

Sarajevo, 10-04-4-370
Broj: 05-01-2023



**KLINICKI
CENTAR
UNIVERZITETA
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku i Izvještaja br. 10-33-4-57180 od 30.12.2022.godine, Generalna direktorica donosi:

ODLUKU

o poništenju postupka nabavke za

“Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo”

I

Prihvata se prijedlog Komisije za javnu nabavku, **Izvještaj br. 10-33-4-57180 od 30.12.2022.godine**, za postupak nabavke **“Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo”**, nakon provedenog otvorenog postupka objavljenog na portalu e-Nabavke pod brojem 893-1-3-573-3-467/22 Obavještenja o nabavci od 09.09.2022.godine, Ispravke obavještenja o nabavci broj 893-1-3-573-8-540/22 od 18.10.2022.godine i Ispravke obavještenja o nabavci broj 893-1-3-573-8-571/22 od 04.11.2022.godine, da se postupak nabavke **poništava u skladu sa Članom 69. stav2) tačka e) ZJN (Sl.Glasnik BiH 39/14)**, jer je cijena prihvatljive ponude znatno viša od osiguranih sredstava za predmetnu nabavku.

II

Ova Odluka stupa na snagu danom donošenja i u skladu sa zakonskim propisima će biti objavljena na web stranici KCUS-a.

O B R A Z L O Ž E N J E

Na osnovu Odluke o pokretanju postupka javne nabavke br. 58-11-3-39499 od 09.09.2022.godine, Klinički centar Univerziteta u Sarajevu je na portalu e-Nabavke zajedno sa Tenderskom dokumentacijom za **“Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo”** objavio Obavještenje o nabavci broj 893-1-3-573-3-467/22, sa procijenjenom vrijednosti nabavke u ukupnom iznosu od **19.659.800,00 KM bez uračunatog PDV-a**.

Nabavka je planirana Planom javnih nabavki za 2022.godinu, pod klasifikacijom **RADOVI INVESTICIJE, redni broj 3**. (Odluka o izmjenama i dopunama Plana javnih nabavki KCUS-a za 2022.godinu, broj 32/22, broj protokola 65-04-2-37187 od 24.08.2022.godine).

Sredstva za nabavku su obezbjeđena Budžetom Federacije BiH za 2022.godinu u skladu sa Odlukom o usvajanju programa utroška sredstava sa kriterijima raspodjele sredstava "Tekući transferi drugim nivoima vlasti i fondovima - transferi za sanaciju zdravstvenih ustanova u F BiH" - FMZ (Službene novine federacije BiH br. 55/22) i dobit KCUS-a.

Na osnovu poziva objavljenog na portalu e-nabavke od 09.09.2022.godine, broj Obavještenja o nabavci 893-1-3-573-3-467/22, tendersku dokumentaciju za postupak javne nabavke preuzelo je 18 (osamnaest) potencijalnih ponuđača, te na osnovu poziva objavljenog na portalu e-nabavke od 18.10.2022.godine, broj Ispravke obavještenja o nabavci 893-1-3-573-8-540/22, tendersku dokumentaciju za postupak javne nabavke preuzelo je 14 (četnaest) potencijalnih ponuđača i na osnovu poziva objavljenog na portalu e-nabavke od 04.11.2022.godine, broj Ispravke obavještenja o nabavci 893-1-3-573-8-571/22, tendersku dokumentaciju za postupak javne nabavke preuzelo je 9 (devet) potencijalnih ponuđača, a do vremena naznačenog u navedenoj ispravci, odnosno do 17.11.2022.godine do 11:30 sati na Protokol KCUS-a dostavljene su 3 (tri) ponude što je evidentirano Zapisnikom o zaprimanju ponuda br. 10-33-4-50030 od 17.11.2022.godine.

Red. broj ponude	Naziv ponuđača	Broj, datum i vrijeme prispjeća ponude	Cijena ponude bez PDV-a (KM)
1.	„ITC Zenica“ d.o.o. Zenica	10-11-3-49945 17.11.2022.godine 08:09 sati	Informativna ponuda
2.	„Unigradnja“ d.d. Sarajevo	10-11-3-49953 17.11.2022.godine 08:40 sati	24.795.596,83
3.	„AREL“ d.o.o. Zenica	10-11-3-49992 17.11.2022.godine 10:25 sati	23.632.259,65

[Handwritten signature]

Komisija imenovana Odlukom Generalne direktorice KCUS-a broj 58-04-4-48780 od 09.11.2022.godine, je održala javno otvaranje ponuda dana 17.11.2022.godine u 12:00 sati, u sali za sastanke na lokaciji Objekat Tehničkog sektora (C9) Bolnička br.25. uz prisustvo članova komisije, sekretara komisije, referenta protokola (Alen Avdić) i predstavnika ponuđača:

- ispred „Unigradnja” d.d. Sarajevo, Neimarlija Melisa, dipl.ing,građ. kao voditelj konzorcija, te Đurović Mile, kao član konzorcija “Eko Teh” d.o.o. Sarajevo, i
- ispred „AREL” d.o.o. Zenica, Suljagić-Neimarlija Amila, kao voditelj konzorcija, te Hodžić Aida, kao član konzorcija “FUEL BOSS” d.o.o. Zenica.

Komisija je u prisustvu referenta protokola i predstavnika ponuđača, izvršila otvaranje uredno obilježanih i od strane ponuđača ovjerenih ponuda, a budući da su iste bile uvezane i osigurane jemstvenikom radi zaštite od eventualnih zloupotreba, Komisija je također izvršila potpisivanje i ovjeru prve i posljednje stranice ponuda, kao i potpisivanje i ovjeru koverata u kojima su ponude dostavljene.

Komisija je prilikom otvaranja ponude ponuđača „ITC Zenica” d.o.o. Zenica, a u skladu sa Članom 65. Zakona o javnim nabavkama („Službeni glasnik BiH”, broj 39/14), tačka 4) i obaveza postupanja ugovornog organa prilikom otvaranja ponuda, prisutnim ponuđačima saopštila da je imenovani ponuđač dostavio samo informativnu ponudu, što je i potvrdio dopisom unutar svoje ponude, te je stoga navedena ponuda formalno –pravno ocjenjena kao neprihvatljiva i isključena iz daljeg toka natjecanja.

Detaljnijom analizom dostavljenih ponuda, polazeći od zahtjeva koje je Ugovorni organ naveo u okviru tenderske dokumentacije i postavljenih pitanja od strane ponuđača, putem Sistema e- Nabavke, na koje je Ugovorni organ putem istog objavio pojašnjenja TD, Komisija je utvrdila i u zapisniku o pregledu i ocjeni ponuda broj 10-33-4-56465 od 27.12.2022.godine konstatovala da od 3 (tri) dostavljene ponude, 2 (dvije) ponude zadovoljavaju tenderske zahtjeve u pravnom, ekonomskom i tehničkom smislu, ali je također kod oba ponuđača u dostavljenim ponudama ustanovljeno više računskih grešaka u zbrajanju i množenju jediničnih cijena u Predmjeru radova, kao i neprirodno niskih cijena.

Shodno navedenom Komisija je ponuđačima „Unigradnja” d.d. Sarajevo i „AREL” d.o.o. Zenica, dana 06.12.2022.godine uputila Zahtjeve za potvrdu korigovane cijene ponude (akti br. 2437/22 i 2438/22) i dana 19.12.2022.godine uputila Zahtjeve za pojašnjenje ponuđenih niskih cijena (akti br. 2546/22 i 2547/22), na koje su navedeni ponuđači u zadatim rokovima dostavili Izjave o korekciji cijena ponuda i Pojašnjenja ponuđenih niskih cijena.

Naime, umjesto navedenog Ukupnog iznosa u Zbirnoj rekapitulaciji od strane ponuđača „Unigradnja” d.d. Sarajevo, od **24.795.596,83 KM bez PDV-a**, kada se ispravi računska greška konačna popnuda iznosi **24.840.965,13 KM bez PDV-a**, a umjesto navedenog Ukupnog iznosa u Zbirnoj rekapitulaciji od strane ponuđača „AREL” d.o.o. Zenica, od **23.632.259,65 KM bez PDV-a**, kada se ispravi računska greška konačna ponuda iznosi **23.669.459,42 KM bez PDV-a**.

Imajući u vidu naprijed navedeno Komisija je predložila da se **zakaže e-aukcija za 29.12.2022.godine u 10:00 sati sa ponuđačima „Unigradnja” d.d. Sarajevo i „AREL” d.o.o. Zenica** kako slijedi:

Red. broj	Naziv ponuđača	Cijena ponude bez PDV-a (KM)
1.	„Unigradnja” d.d. Sarajevo	24.840.965,13
2.	„AREL” d.o.o. Zenica	23.669.459,42

E-aukcija je provedena putem portala www.ejn.gov.ba i to u skladu sa Pravilnikom o uslovima i načinu korištenja e-aukcije (Službeni glasnik BiH 66/16), a prilogu je Izvještaj o toku i završetku e- aukcije koji čini sastavni dio ove Odluke.

Tabelarni pregled ponuda nakon okončane e-aukcije:

"Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo"						
Početak postupka: 29.12.2022.godine u 10:00 sati / Završetak postupka: 29.12.2022.godine u 10:40 sati						
R. br.	Naziv ponuđača	IDB/JMB	Početna cijena u KM bez PDV-a	Konačna cijena u KM bez PDV-a	Umanjenje cijene	Rang
1.	Unigradnja” d.d. Sarajevo	4200049590001	24.840.965,13	20.330.000,00	18,16% **	1
2.	„AREL” d.o.o. Zenica	4218033830009	23.669.459,42	20.500.000,00	13,39% **	2

Obzirom da cijena pristigle i zadovoljavajuće prvorangirane ponude i nakon provođenja e-aukcije **nije u okviru osiguranih sredstava za predmetnu nabavku "Izvođenje građevinskih, građevinsko-zanatskih i instalaterskih radova za izgradnju stacionara na etažama 11 i 12 i tehničke etaže 07 objekta CMB na lokaciji Koševo"**, Komisija je putem Izvještaja br. 10-33-4-57180 od 30.12.2022.godine, jednoglasno dala prijedlog da se postupak nabavke **poništi u skladu sa Članom 69. stav2) tačka e) ZJN (Sl.Glasnik BiH 39/14), jer je cijena prihvatljive ponude znatno veća od osiguranih sredstava za predmetnu nabavku.**

Naime, Komisija je kompariranjem ponuđene cijene ponuđača „Unigradnja“ d.d. Sarajevo, kao prvorangirane ponude nakon provedene e-aukcije u iznosu od 20.330.000,00 KM bez uračunatog PDV-a i osiguranih sredstava za predmetnu nabavku u skladu sa Planom javnih nabavki za 2022.godinu, u iznosu od 19.659.800,00 KM bez uračunatog PDV-a, utvrdila da je dostavljena ponuda veća za iznos od 670.200,00 KM bez uračunatog PDV-a od procjenjene vrijednosti nabavke.

Prijedlog Komisije je prihvaćen i donosi se odluka kao u dispozitivu.



Generalna direktorica KCUS-a


Prof. dr. Sebiya Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS